

मार्निंग डोगरी न्यूज़ बुलेटिन, समें. 09-20 Hrs



## Headlines

1. जम्मू कश्मीर दा दुए गेड़ तैह्त 25 सितम्बर गी होने आले मतदान लेई प्रचार अभियान नै होर जोर फगड़ी। बक्ख-बक्ख सियासी पार्टिएं दे वरिष्ठ नेता केन्द्र शासत प्रदेश दी बक्ख-बक्ख थाहरें रैलियां करा'रदे न।
2. प्रधानमंत्री नरेन्द्र मोदी होरें श्रीनगर च रैली गी संबोधत कीता। उनें लोकें गी अपील कीती जे ओह विधानसभा चुनाएं दे दुए गेड़ च बी रिकार्ड गिनतरी च मतदान करन।
3. मतदाताएं च जागरूकता पैदा करने दे मकसद कन्नै केन्द्र शासत प्रदेश च स्वीप तैह्त नेकां गतिविधिएं दा सरिस्ता कीता जा'रदा ऐ।
4. एफएटीएफ नै आखेआ ऐ जे भारत च आतंकवाद दी सब्बने थमां बड्डी चुनौती जम्मू कश्मीर च आईएसआईएस ते अलकायदा कन्नै जुड़े दे समूहें करी ऐ।



## Election 2<sup>nd</sup> Phase

जम्मू कश्मीर च दुए ते त्रीए गेड़ लेई होने आले विधानसभा चुनाएं गी दिक्खदे होई गृहमंत्री अमित शाह ते रक्षा मंत्री राजनाथ सिंह होर कल यानि 21 सितम्बर गी जम्मू खित्ते दा दौरा लांगन। दुए गेड़ तैह्त मतदान 25 सितम्बर गी ते त्रीए गेड़ दा मतदान पैहली अक्तूबर गी होना ऐ। आकाशवाणी जम्मू संवाददाता दी रिपोर्ट मूजब कांग्रेस नेता राहुल गांधी होर 23 सितम्बर गी पुंछ जिले दे सुरपकोट दा दौरा लांगन। गृहमंत्री अमित शाह होर अज्ज संजा जम्मू पुज्जा'रदे न। उंदा अखनूर, नौशेहरा, राजौरी, थन्नामंडी, मेंढर ते सुरनकोट च रैलियां करने दा कार्यक्रम ऐ। रक्षा मंत्री राजनाथ सिंह होर सुंदरबनी, आर.एस.पुरा, उधमपुर ते पुंछ च रैलियां करगंन। केन्द्रीय मंत्री जे.पी.नड्डा होर जम्मू ईस्ट च रोड शो करगंन। दूई भेठा कांग्रेस नेता राहुल गांधी होर 23 सितम्बर गी जम्मू पुज्जगंन ते सुरनकोट च रैली करगंन। बीजेपी ते कांग्रेस दे नेतापुर-जोर कोशश करा'रदे न। मतदाताएं गी अपने पक्ख च करने दी। प्रधानमंत्री नरेन्द्र मोदी होर कल श्रीनगर ते कटरा च रैली कीती। अपने संबोधन छ उनें व्यापक विकास बाढ़े गी जकीनी बनाने ते परोआरवाद आली राजनीति गी खत्म करने दा

भरोसा दोआया। जम्मू कश्मीर च चला'रदे विधानसभा चुनाएं दे पैहले गेड़ तैहत् 18 सितम्बर गी वोट पाए गे। 7एं जिलें च फ़ैली दी 24 विधानसभा सीटें लेई 61 फीसद मतदान होआ। दुए गेड़ तैहत् 25 सितम्बर गेड़ लेई पैहली अक्टूबर गी वोट पाए जांगन। वोटें दी गिनतरी आला कम्म 8 अक्टूबर गी होग।



## PM Modi

प्रधानमंत्री ते बीजेपी दे वरिष्ठ नेता नरेन्द्र मोदी होर कल श्रीनगर च इक चुनावी रैली गी संबोधत कीता। इस मौके बोलदे होई होई उनें सारे लोकें गी 25 सितम्बर गी दुए गेड़ तैहत् होने आले विधानसभा चुनाएं च खरी मती गिनतरी च आइयै वोट पाने दी अपील कीती। उनें आखेआ जे पैहले गेड़ तैहत् 18 सितम्बर गी लोकें आस्सेआ पाए गेदे वोटें रिकार्ड कायम कीता ऐ। उनें आखेआ जे पैहली बारी जम्मू कश्मीर च चुनां आतंकवाद दे डर-त्राह च नेई होए हैन। कांग्रेस दे वरिष्ठ नेता सचिन पायलट होरें आखेआ जे जम्मू कश्मीर दा राज्य दा दर्जा वापस ब्हाल करना लोकें दे मान सम्मान कन्नै जुड़े दा ऐ।



## SVEEP Awareness Jammu

जिला समाज कल्याण मैहकमे नै कल लुइस बरेली स्कूल च इक खेड्ड कार्यक्रम दा आयोजन कीता तां जे दिव्यांग विद्यार्थिं च वोट पाने दे महत्व बारे जागरूकता पैदा कीती जाई सकै। इस कार्यक्रम च तकरीबन 300 लोकें हिस्सा लैता जेहदे च स्कूली बच्चे, सरकारी मुलाजम ते सिविल सोसायटी दे सदस्य बी शामिल हे। वोट पाने लेई योग्य मतदाताएं गी बी सक्षम ऐप बारे जानकारी दित्ती गेई ते चुनां आयोग आस्सेआ दिव्यांग लेई उपलब्ध सहूलतां जेहदे च व्हील चेयर, रैंव बगैरा शामिल न। इस कार्यक्रम राएं जम्मू जिले च सब्बने दिव्यांग वोटरें गी वोट पाने दे अपने हक्के दा इस्तेमाल करने दी अपील कीती। पैहली अक्टूबर गी विधानसभा चुनाएं दे त्रीए गेड़ तैहत् इत्थें वोट पाए जाने न।



## SVEEP Rajouri

वोट पाने दे अधिकार दे महत्व गी उजागर करदे होई कल राजौरी च इक रैली दा आयोजन कीता गेआ जेहदे च राजौरी दे 11 सरकारी ते निजी स्कूलें दे तकरीबन 900 विद्यार्थिं ते अमले नै उत्साह कन्नै हिस्सा लैता। इस रैली दा मुख्क मकसद लोकें बशकार 25 सितम्बर गी होने आले विधानसभा चुनाएं दे दुए गेड़ च वोट पाने दे बारे जागरूकता पैदा करना हा। रैली दरान लोकें गी आखेआ गेआ जे बड़ी मती गिनतरी च वोट पाने दे

अपने हक्कै दा इस्तेमाल करन। जिला स्वीप राजौरी आस्सेआ आयोजित इस रैली दा मकसद लोकें गी ल०कतांत्रिक प्रक्रिया च हिस्सा लैने बारे जागरूक करना।



## **SVEEP Samba**

स्वीप तैहत सांबा दे जिला चुनां अधिकारी हुंदे आस्सेआ विधानसभा चुनाएं बारे आम लोकें च होर मती जागरूकता पैदा करने ते उंदी शमूलियत चुनाएं च बधाने लेई नेकां गतिविधिएं दा सरिस्ता कीता गेआ। जिला चुनां अधिकारी राजेश शर्मा ते एसएसपी विनय शर्मा होरें सांझे तौर पर अंतर-राज्य बैडमिंटन प्रतियोगिता दा उद्घाटन कीता। इस मौके पर प्रतिभागिणें गी संबोधत करदे होई राजेश शर्मा होरें लोकतांत्रिक मुल्ले गी बढ़ावा देने च खेड्ड प्रतियोगिता दी भूमका गी उजागर कीता ते गलाया जे हर कुसै गी मतदान आले दिन वोट पाने दे अपने अधिकार दा इस्तेमाल करना लोड्चदा।



## **SMVD Constituency**

जम्मू कश्मीर च विधानसभा चुनाएं दे दुए गेड तैहत 25 सितम्बर गी वोट पाए जाने न। कुल 26 सीटें लेई मतदान होग। जम्मू खित्ते दे त्रै जिलें च फ़ैली दिणें कुल 11 सीटें लेई दुए गेड तैहत वोट पाए जाने न। रियासी जिले दी श्री माता वैष्णो देवी विधानसभा सीट पर बी दुए गेड तैहत 26 सितम्बर गी मतदान होग। री माता वैष्णो देवी विधानसभा सीट जम्मू कश्मीर दी समें सिरेया कीती गेदी हदबंदी मगरा बनी ऐ। इस हल्के च कुल 56 ज्हार 506 मतदाता न। जिंदे च 29 ज्हार 660 मर्द, ते 26 ज्हार 846 महिला मतदाता न। एह्दे आस्तै 90 मतदान केन्द्र बनाए गेदे न। जिंदे च इक पिंक, 2 ग्रीन ते 2 पीडब्ल्यूडी मतदान केन्द्र न। इस हल्के लेई कुल 7 मेदवार चुनां मैदान च जिंदे चा 4 आजाद मेदवार न। मुख्क मेदवारें च नैशनल कांफ्रेंस-कांग्रेस दे भुपेन्द्र सिंह, बीएसपी दे बलदेव राज शर्मा, पीडीपी दे प्रताप कृष्ण शर्मा शामिल न। आजाद मेदवारें च जुगल किशोर, बंसी लाल, राज कुमार ते शाम सिंह शामिल न। मतदान गी आजाद निरपक्ख ते सूचारू ढंगे सिर करोआने लेई सुरक्षा सनें लोड्दे सारे बंदोबस्ते कीते गेदे न।



## **FATF Report**

आलमी सतह पर माली कारवाइणें सरबन्धी कार्यबल एफएटीएफ नै आखेआ ऐ जे भारत च आतंकवाद दी सब्बने शा बड्डी चुनौती जम्मू कश्मीर च इस्लामिक स्शेट ते अलकायदा कन्नै जुडे दे समूहें थमां ऐ। एफएटीएफ दी रिपोर्ट मूजब एह आतंकवादी गुट प्रदेश च अलगाववादी आंदोलनें कन्नै कुसै ना कुसै रूप च सक्रिय न।

एफएटीएफ नै एह मन्नेआ ऐ जे भारत 1947 थमां गै आतंकवाद ते केई चाल्ली दे खतरें दा सामना करै करदा ऐ। रिपोर्ट नै मन्नेआ ऐ जे भारत नै रपे-पेसे दे गैर कनूनी कारोबार ते आतंकी गतिविधिएं लेई रपेया-पैसा उपलब्ध करोआने दे भैड़े जतनें पर काबू पाने लेई असरदार बवस्था कीती ऐ।

<><><><><><>

## Vice President

उपराष्ट्रपति जगदीप धनखड़ होरें मीडिया गी गलाया ऐ जे ओह व्यक्तिगत नजरिया अपनाने दी बजाए देश दे संस्थानें ते होर दुए विकास आली बक्खी अपना ध्यान केन्द्रित करन। कल संसद भवन च संसद टीवी @ 3 दे उद्घाटनी सत्र गी संबोधत करदे होई धनखड़ होरें मीडिया गी देश दे बक्ख-बक्ख हिस्से दी “विकासशील-कहानिएं” आली बक्खी ध्यान देने लेई आखेआ। लोकसभा स्पीकर ओम बिरला होरें कनक्लेव दे समापन सत्र गी संबोधत करदे होई गलाया जे अज्ज दे समें च समाचारें दी विश्वासनीयता ते प्रमाणिकता मुश्कल च फसी दी ऐ ते संसद टीवी संसद कन्नै जुड़े दे हर इक पैहलु दा इक महत्वपूर्ण हिस्सा ऐ जेहड़ा लोकें गी लोकतंत्र कन्नै जोड़ग ते उंदा भरोसा लोकतंत्र कन्नै होर मजबूत बनाग।

<><><><><><>

## PM-US

प्रधानमंत्री नरेन्द्र मोदी होर कल थमां 23 तरीक तगर अमरीका दे दौरें उप्पर रौंहगन। मोदी होर विल मिंगटन डेलावेयर च शनिवारें क्वाड नेताएं दे सम्मेलन च शामिल होंगन। सम्मेलन थमां बक्ख-बाहरे प्रधानमंत्री होर केई लीडरें कन्नै दपक्खी बैठकां बी करगंन। प्रधानमंत्री हुंदा अमरीका च प्रवासी भारतीय कन्नै गल्लबात करने दा कार्यक्रम ऐ।

<><><><><><>

## Chief Secretary

मुख्य सचिव अटल डुल्लू होरें जंगलात मैहकमे दी इक बैठक दी अध्यक्षता कीती जेहदे च क्षतिग्रस्त इलाकें च रूक्ख बूहटे लाने ते होरने संरक्षण उपाएं राएं कीते गेदे जतनें दा आलंकन कीता गेआ। मुख्य सचिव होरें इस गल्लै पर जोर पाया जे प्रदेश च ऐसे जंगलें मझाटै मते शा मते बूहटे लाइयै इस समस्या कन्ने निबड़ेआ जा। उनें आखेआ जे जीयो टेगिंग दे अलावा सब्बने जरूरत आले जंगली इलाके च बोंडरी पिल्लर दी सीपना आला कम्म तौले गै पूरा कीता जा तां जे जंगले दी रक्षा लेई सक्रिय उपाएं च तेजी आंदी जाई सकै। बैठक च एह बी जानकारी दितती गई जे अजें तोड़ी मैहकमे नै “एक पेड़ मां के नाम” अभियान तैहत 38 लक्ख रूक्ख बूहटे लाने दा ते केंपा ते कपेक्स जनेही होरनी योजनाएं तैहत 28 लक्ख बूहटे लाने दा लक्ष्य हासल करी लैता ऐ।